



永昌府志

卷之十

列傳

忠烈

節烈

禮曰臨難毋縮。免此雖專責諸士君子而婦人亦豈不應然。以是知城破家亡。彼苟全性命者之不足稱也。夫一念因循。即留終身之缺陷。而一時激烈足振千古之綱常。古來拔劍罵賊。胥并殞身。其舍生取義。百世下猶堪景仰耳。永昌自兵燹以來。婦人之視死如歸。以全其身者。幾難數紀。茲搜而書之。三而專其

馬生馬...  
 庫生馬...  
 上馬...  
 授於...  
 而無...  
 遠...

10880

武昌府 仙山縣

明

桂氏

謝定妻住全修女天順間定任四川開尹縣久不歸父母皆八十餘住紡績養之及翁病篤躬

拭污穢翁辭之曰有天日在及卒惟一小室嘗五

金以葬人勸往求其夫曰彼不吾顧矣遂不食而死巡撫陳用賓為之作傳

戈韓氏

戈本無錫人諫判東昌時納為妾後官愈事卒韓守節自誓或憐其少欲奪其

自縊於私室分巡僉事

如機郡縣旌其門

周許

為棺殮畢受其日鳩死慷慨殉夫人咸稱之

木

志節

劉張

劉廷樞妻流寇至廷樞曰吾兄死於國吾豈可與兄二乃自縊張氏先縊幼子後自縊死

吳謝氏

庫生吳佩妻年二十一適佩孝事繼姑流寇亂氏出簪環付佩曰吾聞烈婦有死無二倘

事稍急吾當自盡更取衣服焚之且與姑訣拜曰媳不能奉姑於百年矣願姑撫二孫媳死猶生也

又拜夫曰善撫二子以成名二女幼小非所顧也日暮潛登樓自縊及人覺救之謝急以足蹬椅而

死子道一後登鄉試次子道大薦武舉學憲旌其門曰女宗奇烈

朱戚氏

朱廣運妻寇亂為賊所執戚詒曰吾有私蓄請入取之賊信其言從之入氏投井死

卞陸氏

卞世第妻年少同夫負子避兵為亂軍所獲陸詒曰待我解子與夫惟命是從其人信之

將子解下

遂自刎死

周吳氏

庫生周運泰妻為亂軍所獲擁之上馬輒投於地屢擄屢投遂被殺

朱閃氏 朱絃妻閃仲倬女適絃絃有內疾娶十餘年不與同寢後遭寇亂閃自縊死其妹適庠生

長祐亦同時盡節

馮王氏 庠生馮時可母流寇擄永至施甸縱兵慘掠氏預積薪於樓下率媳與女登樓罵賊舉火

自焚時稱一門全節

石徐氏 石田氏 俱石應岷側室岷中萬曆乙卯鄉薦任貴州威清道丁酉流寇至永

正室丁氏問徐田曰時事如此爾等將若何皆曰惟有死耳遂同自縊死

石胡氏 庠生石瑜妻進士胡璇女年二十丁酉流寇至永氏自縊於正室當道旌其門

水陳氏 庠生水潔妻流寇至永氏潛避山林被擄至東河邊高聲語同伴曰吾南門外陳氏女也

言畢投河而死



閔石氏

閔連城妻流寇至與夫同被擄至江邊解所挾匱物與夫投水而死

張侯氏

舉人張世明妻流寇至投井死

陳石氏

庠生陳正猷妻流寇至偕夫潛避東山恐被辱石投水死猷自縊死後長子奇中武舉次

子章補

郡廩生

王水氏

諸生王聖修妻修卒氏年二十一誓死守節事舅撫孤紡績教讀至於成立苦節二十年

流寇至母子俱被擄氏恐被

污乘間誘其子出觸柱而死

本朝

戈王氏

監察御史戈靖妻咸豐辛酉年六月城陷與妾閔氏女四貞投水死

戈孫氏

內閣中書廩貢生戈竝妻城陷與女全貞投水而死

方率氏

舉人方埏妻城陷與兒媳侯氏女五姑積薪於室全家自焚死

吳玉氏

監生吳渭妻守節三十餘載賊陷城時謂媳曰此城危在旦夕我先死爾等繼之飲藥死

吳段氏

衛守備吳樹藩妻兵部主事吳壽副榜吳炳之母城陷服毒死

吳陳氏

河南涉縣知縣吳樹勳妻副榜吳煜舉人吳灼之母城陷自經

李勝氏

湖北長樂縣知縣李煥春妻陝西商州李素之母城陷與長媳向氏次媳沈氏服毒而死

劉向氏

四川豐都縣知縣劉樹義聘妻城陷自經

章哀氏

處士章玉德妻舉人章錄之母守節四十餘年城陷與長媳吳氏姪媳范氏孫女雲裳霞

裳闔室

自經死

李王氏

祿豐縣教諭李玉藻妻文生李應甲母城陷與媳戈氏女大姑二姑闔室自焚

胡劉氏 處士胡憲妻守節多年城陷與姪媳陶氏  
陳氏婢蘭香閉戶自焚死者二十餘人

胡劉氏 武童胡國材伯母寡居多年城陷與姪媳潘  
氏尹氏姪媳徐氏女大姑婢春蘭均自焚死

苗范氏 貢生苗溶妻城陷與弟婦  
范氏女長保闔室自焚死

胡張氏 拔貢胡國輔妻城陷  
與小姑登樓自焚死

向楊氏 舉人向于賓妻城陷與庠生向于  
道妻張氏姪孫女桂姑皆自經死

周向氏 副榜周兆岐妻城陷與庠生周堯甫妻胡氏  
庠生周紹岐妻朱氏女湘玉琴心麟徵闔室

舉火  
自焚

張王氏 舉人張鳳錦母城陷與媳王  
氏女大姑全姑闔室自焚死

盛呂氏 拔貢盛雯繼妻舉人盛毓華繼母城陷賊欲  
擄其女衛姑母女力拒之大罵賊俱被戕其



次媳朱氏四媳王氏五  
媳范氏俱不屈自經死

陶張氏 楚雄縣教諭陶恂妻城陷  
與媳李氏段氏舉火自焚

吳向氏 四川納谿縣知縣吳嗣伯妻城陷  
與妾文氏劉氏女八秀俱自經死

吳孫氏 山東鄒平縣知縣吳  
怡妾城陷不屈自經

鄭吳氏 曲靖府學訓導鄭  
逢源妻城陷自經

張龐氏 貢生張時昕妻城陷與兒媳  
朱氏孫女大姑著秀俱自經

陳盛氏 武生陳文憲妻城陷與妾  
楊氏女大姑俱不屈被戕

王王氏 武生王啟瑞妻城  
陷與女聯英自縊

王朱氏 處士王覲光妻城陷  
與媳范氏不屈被戕

向舒氏

守節二十餘年城陷自經

陳李氏

監生陳達中妻直隸候補典史陳延慶母城陷與媳鄭氏女閨保婢秋紅闔室自焚

朱吳氏

山東清平縣典史朱斗垣妻城陷投井死

王袁氏

處士王鳳章妻城陷與女定姑二姑俱自縊死

李吳氏

從九李增妻湖北襄陽府知府吳嗣仲女城陷撲火未死復飲藥死

李汪氏

處士李煜春妻城陷與女大姑服毒死

魏宋氏

處士魏昭母城陷與媳霍氏女大姑不屈被戕

顧劉氏

處士顧爾發之長子婦城陷與顧士俊妻俱自經死

王雷氏

處士王者用妻城陷與女大姑登樓自焚

徐陳氏

監生徐美妻城陷與嫂劉氏俱自經

陳段氏

文生陳煥章妻城陷與女二姑三姑姪女冬姑俱自縊死

魏王氏

恩貢魏上暹母城陷時鄰婦約曰吾輩老矣曷逃去氏曰吾雖婦人亦食毛踐土焉可偷

生且媳女年輕恐被辱乃閉戶偕子媳王氏女秀英桂英並大伯魏綸妻王氏姪文生魏上達妻董

氏姪孫鶴年逢年孫成鑫孫女留保全家舉火自焚

劉王氏

外委劉正榮妻城陷與女大姑自焚

程劉氏

處士程仁母城陷與孀張氏兒媳魏氏蘭氏皆自焚

方朱氏

廩生方肇鑿妻城陷子女四人皆自殺

莊吳氏

附貢莊民視妻城陷與女大姑皆自經死

章趙氏

庠生章玉律妻城陷與女長姑祥姑自經

朱趙氏

候補知府廩貢生朱時遵妻城陷服毒未死復撲火死

王朱氏

文童王發元妻城陷與二子一女皆自縊

魏趙氏

魏純妻廩生魏上義母城陷偕媳劉氏女印生子上賓上珍閉戶自焚死

陳王氏

陳敬妻城陷與女大姑二姑三姑自經死

張張氏

文生張士珍母城陷與媳孫氏投井而死

高陶氏

副將銜補用遊擊高品妻城陷服毒未死復投水死

李朱氏

文生李承恩母城陷與媳李氏王氏趙氏自焚死

方蘇氏

貢生方瑜妻城陷與長媳李氏自縊而死

方李氏

文生方寶慶妻城陷與媳王氏  
幼女二人孫二人均自焚而死

王王氏

王澄母城陷先以毒飲其孫法周孫女  
翠英賊至大罵被戕長媳陸氏自刎死

朱王氏

文生朱文林妻城陷與姪女煥  
姑珍姑美姑並幼子均投井死

張盛氏

文生張時晟妻城陷  
與兒媳胡氏自焚死

張吳氏

處士張文彬妻城陷  
與一子二女自焚死

林朱氏

貢生林日藝繼妻城  
陷率媳曾氏飲藥死

張陸氏

張經妻城陷偕夫及女  
小煥子保滿皆自經死

楊楊氏

楊蔚南妻城陷偕夫與  
女招弟隨姑皆自經死

陳趙氏

文童陳延齡妻城陷自焚直隸候  
補道劉樹堂呈請奉旨旌表



莊王氏

童生莊民戴母城陷與子婦陶氏  
女煥保孫女連弟閉戶舉火自焚

段張氏

東哨段聯甲妻辛酉賊攻陷河  
頭村欲擄之大罵賊投河溺死

楊王氏

安禮寨楊正芳妻年三十九夫故  
守節四十年辛酉賊入境自縊死

王李氏

文生王思敬妻住大堡  
子辛酉賊入境投井死

李楊氏

李士廉母住大堡子辛酉賊  
入境與兒媳韓氏罵賊被戕

李楊氏

李經唐母住大堡子辛酉  
賊入境與其子罵賊被戕

王曾氏

王汝琴妻住大堡  
子辛酉罵賊被戕

黃李氏

黃湘妻城陷與子  
婦李氏閉戶自焚

杜張氏

外委杜發妻素知大義庚申賊陷施甸杜發  
陣亡氏撫二子勉以忠義後賊攻城長子杜

茂從官兵攻塔坡戰死氏與媳楊氏冰霜自矢卒  
酉城陷氏焚香拜辭祖宗語媳曰爾父死於賊爾  
夫亦死於賊今城將陷正我等盡節時也用火焚  
室賊突至氏大罵賊怒並媳戕之僉稱一門忠烈

朱蘭氏

辛街朱文成妻城陷  
借妾李氏投水而死

段羊氏

武生段連祖母庚申賊陷施甸偕夫段相率  
子時方媳張氏女七姑孫小五小八孫女小

老均投  
水而死

劉郭氏

劉承緒母城陷率子承基承志媳彭  
氏陳氏女回姑孫玉慶縱火自焚死

劉李氏

處士劉法乾妻城陷與  
女懷秀銀秀自縊而死

劉朱氏

處士劉絨妻城陷與  
其子健乾不屈被戕

王鄭氏

監生王誠中祖母年九十城陷  
率媳劉氏孫女如意舉火自焚

朱胡氏

朱綸妻城陷率媳李氏女小錦閉戶自焚

朱李氏

朱大本妻城陷同燔母胡氏自焚死

李霍氏

文生李宗有妻適李仇儷甚篤孝事翁姑家貧紡績毫無怨言庚申賊犯東山宗有解糧

赴營甫至而營破被戕霍得信即號泣服毒雖翁姑幼子不顧也時郡人盛西樓以詩弔之有拚將

燕好酬夫婿忍看龍鍾別舅姑黃泉相見應相問膝下呱呱得所無首二聯失傳云

張楊氏

由旺張永和妻辛酉二月蔡逆陷由旺偕夫投井死

朱李氏

軍功朱文緯妻城陷服毒未死其夫手刃之女壽姑自經未死其父亦手刃之

楊李氏

處士楊德盛妻城陷率女有保愛保生保福生閉戶自焚

楊孫氏

武生楊德美妻城陷率姪女玉鳳五姑自焚死

朱周氏 監生朱樹妻城陷不屈自縊媳  
徐氏孫女閨生玉生皆自焚死

李李氏 李從龍妻城陷偕妾陳氏姪  
女小恩小玉小穩同時自縊

木楊氏 北冲下喇堡朱潤妻卒酉  
賊入寨偕其夫閉戶自焚

朱劉氏 北冲下喇堡朱顯妻卒  
酉賊入寨縱火自焚死

李張氏 施甸開化鄉李如秀妻卒酉賊入  
寨率兒媳張氏女小五投水而死

郭楊氏 施甸郭朝德妻卒酉  
賊入寨不屈被戕

朱吳氏 文生朱樹妻年八十城陷率媳徐氏姪媳方  
氏陳氏吳氏魏氏姪孫媳方氏姪子崇壩姪

孫立昌及孫女等二  
十九口全家自焚死

褚張氏 南下哨褚高翔妻年二十二夫故立志堅  
守撫育孤子守節五十五年城陷不食死